



DISPUTATIO MEDICA
ISAGOGEN
Comprehendens,

In Regiâ & florentissimâ Academiâ Aboënsi,
Decernente Amplissimâ Facul-
tate MEDICA, publicè propo-
nenda & ventilanda

P R Ä S I D E

E L I A Zil - Landz /

Med. Doct. & Prof. P. h. a. Reg.
Alumn. Inspect.

R E S P U N D E N T E

JOHANNE HEN. Aschlino,
Acad. Ab. Vice-Bibliothecario.

Die 17. Decembr. Anni reparata salutis
cl^o loc lxxiii.

In Auditorio Maximo.

A B O Æ,

Excusa à PETRO HANSONIO.

S'olertissimo Drō. Nicolo Alano
Acad. Ab. Bibliothecario, amicè et
officiosè nuncupatur. p.

*Praeclarâ eruditione, Reverendâ Dignitate
eruditâq; prud. claris. Viris ac Dominis:*

DN. MAGISTRO JOHANNI

PRATANO, olim Reg. Acad. Ab.
Logices Professori celeberrimo, nunc v.
Pastori & Præposito in Riminito gravissi-
mo, Fautori & Promotori summæ Reve-
rentiæ cultu, æternum suspiciendo.

DN. MAGISTRO GUSTAVO

COLLINIO, Pastori in Nagu vigi-
lantissimo, Fautori & Promotori quovis
honoris genere summopere devenerando.

NEC NON

VIRIS Spectatissimis Prudentissimisq;

DN. PETRO Fischer / in magno Du-
catu Finlandiæ, per Satrapiam Aboën-
sem, Biörneburgensem & Alandensem Geo-
metræ probatissimo, Amico singulariter
amando.

DN. JOHANNI Schmit / Territorij
Pikiensis Prætori circumspecto, Fauto-
ri & Benefactori indubitatissimo.

DN. LAURENTIO WILSTADIO,
Reg: Dicasterij quod Aboæ est, Advocato
Prudentissimo, Fratri & amico in paucis
dilecto

Fautoribus & Promotoribus plurimum honos-
randis ; Hoc Medicum Exercitium, non
tam moris ergo, quam in honoris & grati-
animi tempore, cum pio voto pro
novi anni fasto auspicio, modestè, inscri-
bit & nuncupat

RESPONDENS.

ARTIS MEDICÆ
LIBER I.
ISAGOGIGEN
Exhibit.

CAP. I.

DE NOMENCLATURA
MEDICINÆ.

Nobilium Artium indeolem, Galenus *Svasor.*
Orat. ad Artes, contemplaturus, in sede merito primâ MEDICINAM collocat. Cujus Nomen apud Apollinem & Æsculapium, Deosq; gentilium reliquos non tantum celebratum, sed & humano generi unicè commendatum legimus. Commendat idipsum prædictus Auctor loc. cit. & sermonem his verbis concludit: ἐκ τέτων εὐηγέρτων αὐτολαμβάνειν τὴν ἀσκεῖν χρὴ τὸν νέον,

ὅτῳ μὴ παντέπουν ἡ ψυχὴ θοσηματῶδης
ἔστι. Καὶ μᾶλλον γε τὴν ἀρίστην ἐν ταύταις
ἡ τις ὡς ἡμεῖς Φαμέν εἶναι Ιατρικὴν. Quod
Alexandrinus sic vertit: Itaq; ex hoc Ar-
tium genere, aliqua vobis o Adolescentes eli-
genda exerceendaq; est, (nisi forte cui inge-
nium planè hebes sit) imprimūq; Meden-
di scientia, quaē judicio meo, in eo genere
præstantissima est.

Enumerat enim Medicinam, Rhei-
toricam, Musicen, Geometriam, Arith-
meticā, Logisticā, Astronomiam,
Grammaticam, Legumq; peritiam.

Medica Ars ut præstantissima ita No-
bilissima, Nomen fortitur vel à Medio:
Quia aq; exactæ Medico servandæ le-
ges in sanitate amissâ restituendâ, ac
Philosopho Morali, qui virtutem in
medio consistere debere inculcat. Sa-
nitas enim à punto medietatis decli-
nans, vitam humanam periculis expo-
nit. vel à Mediâ: Natione inter orien-
tales, variorum stirpium fœcunditate,
ac succorum medicorum proventu

feli-

felicissimo, uberrimâ. Haic igitur solo, post deplorandum humani generis lapsum, Medicinæ Natalitia primi ejus cultores assignarunt. Quod adhuc clarius patet ex delineatione horti Paradisiaci Cl. Herbinij, quam Tractatu de Cataractis subjecit, Hafniæ editâ. *Vel à Medeâ*, Nomen ejus derivant Poëtæ, qui Naturæ Phænomena ingeniosis fabulis involvere soliti sunt. Cujus historia apud Ovid. Metamorph. I. 7. Fab. I. & seqq. extat. *vel à Greco*, μέδω εὶς μέδομαι; *impero*, *imperium teneo*. Medicus enim suæ artis potens, sanitatis præfectus & imperator meritò audit. Indè μέδεω, curo, curam gero. Super hac re, qui volet, plura apud hujus rei Auctores inquirere potest.

CAP. II.

DE MEDICINÆ ACCEPTI-
NE VARIA.

In ipso, quod ajunt, limine Medicinæ, secundum morem in alijs scientijs & Artibus Tyronibus tradendis, res

ceptum, haud abs re fore judicamūs,
vocem Medicinæ ab ambiguitate libe-
rare, ut eò expeditius in sequentibus
præceptis pergamus.

Accipitur Medicina.

I. *Latissimè & quibuslibet rebus Na-*
turalibus, cujuscunq; Regni Medici,
i.e. vegetabilis, Animalis & Mineralis
tribuitur. e.g. Hippocrates ad paren-
te lue pestifera, incensis fruticum ra-
mentis, & rebus huic negocio idone-
is, auræ minaci dicitur Medicinam at-
tulisse. Ovidius, Tinnulam mulierem
suo clangore introducit lunæ laboran-
ti luminis defectu opem adferre &
Medicinā parare quod credula vetustas
eam morbo detineri sibi persuaserit.

Plautus, Anum tremulam, refert, a-
quæ suffusione, foribus mederi, ut cre-
pitum arceat. Hoc modo, terra ste-
rilis, Arbores, cibi crudi, aër distem-
peratus, fœtor, convenienti Medicinā
dicuntur emendari.

Similia exempla apud Auctores
passim ocurrunt.

2. *Generaliter*, pro quâvis ejus parte, quâ Medicus tempore necessitatis vel aliâs utitur. Hoc Significatu Ovidius: *Principiis obſta ferò Medicina paratur.* Hoc sensu lege virgil. lib. 7. *Æs neid.* in historia Hippolyti.

Significat Medicina.

3. *Venenum*, quale τὸ φάρμακον, apud Græcos.

4. *Officinam*; ut Plautus, est in Medicinis, Tonstrinis.

5. *Essentiam* purissimam, quam quintam Paracelsistæ & Medici Hermetici vocant, ē rebus varijs extractam, Titulisq; totidem donatam.

6. *Tan latè* interdum pateret, ut necessaria ad victum complectatur, sicut Hippocrates lib. de veter. Medicin. Solertia in tritico à cortice liberando, & rebus culinarijs applicando Medicinam appellaverit.

7. *Vulgata acceptio* est, qua morbi curabiles profligantur & præsens sanitas conservatur, de quâ Capite sequenti agendum.

CAP. III.

DE MEDICINÆ DEFINITIONE.

Datam hanc ultimam Medicinæ acceptiōnem, non defuerunt Auctores, qui definitionem Artis convenientissimam esse existimārunt, uti;

I. Avicenna, Averrhoës, Eraſtus, Sennertus, Fernelius & alij.

Quo autem jure hoc factum sit, præterquam quod bonæ definitionis leges in plerisq; obſtent & ad ipsos sanos extendatur, quilibet judicare poterit ex eſtato ſalvatoris, Marc. cap. 2. Luc. c. 5. Matth. c. 9. ἡ χρέιαν ἔχοντι οἱ ἴστχυοντες ἴδηται: ἀλλ' οἱ κακῶις ἔχοντες. Eſtiam Cornel. Celsus lib. 1. c. 1. inquit: Sanus homo, qui bene valet, et ſua sponte eſt, nullis obligare ſe legibus debet; ac neq;. Medico, neq;. Iatralipta egere.

2. Hippocrates lib. de flatibus, ubi de Medicinâ diſſerit, ait Ἰατρὴ εἰς τὸ σόδεον καὶ αὐτοῖς: περιθετις τῶν ἐλειπόντων, καὶ αὐτοῖς ὑπερβαλλόντων. Ex hac ſuam definitionem Heurnius conſcri-

scripsit: Medicina est ars corporis humani
vitia per adjectionem & abstractionem emen-
dandi. Qvum autem Hippocrates hoc
loco potius respexerit ipsius medicatio-
nis membra principaliora, in quibus
Medici officium consistit, propositum
venerando seni non fuisse existimamus,
heic Medicinæ accuratam definitio-
nem tradere. Ideoq; & Heurnij defini-
tionem celebriores Medici non pro-
bant.

3. Definitionem aliam Timæus Lo-
crus comment. d. mund. nat. ex Hippo-
crat. l. d. Arte adducit. Τὸ δῆ τάμπαν
ἀπαλλάσσειν τῶν νοσεόντων, τὰς καμάτας,
καὶ τῶν νοσημάτων, τὰς σφρορότητας ἀμ-
βλύνειν, καὶ τὸ μὴ ἐγχειρέειν τοῖς κεκρατη-
μένοις τὸ τῶν νοσημάτων, ἐιδότας ὅπερ ταῦ-
τα ἐ δύνασαι ἴατεική. i. e. Medicinam esse
morbos ab aegris in totum tollere & morbo-
rum vehementes impetus obtundere, & eo-
rum qui à morbis victi sunt, curationem
non aggredi, qvum id in confessso sit, quod Me-
dicina tales sanare non possit. In hisce sic-
ut cautè ita accuratè Præceptor Artis,

futuro Medico officium proponit, nec unquam sollicitus hic loci in definitio-
ne legitimâ describenda, judicatur.

4. Porrò videamus definitionem quæ Galeno adscribitur lib. d. Arte medend. cap. 2. *Medicina est scientia sa-
lubrium, insalubrium & neutrorum.* Quæ qvum à legibus inculpatæ definitionis exorbitet, genus inusitatum Medicis statuendo, differentiam, quæ scientias & Artes distinguere debet, Philoso-
pho Naturali communem adhibendo, ab omnibus ferè rejicitur. Nec Ga-
leni sed Herophili Romani, secundum Averrhois judicium, est.

5. Plato de Repub. lib. i. talem ad-
fert, *Medicina est Ars prospiciens quid cor-
pori conducat.* Hoc modo, Artes plu-
rimæ humanæ fragilitati necessariæ, de
Medicinæ definitione participarent.

6. Idem formandum est judicium,
de illâ definitione, quam Zwingerus
Proscen. Med. c. 5. adducit: *Medicina est
Ars sanitatis humanae ministra.*

7. Laurembergius definit, quod sic
Ars

Ars restituens Sanitatem Animali Sanabili.
 Quamvis Medicina tam latè se exten-
 dere videatur, ut brutorum curatio-
 nem complectatur, exemplo Hippo-
 cratis, qui *veterinariam* edidit, & nuper
 inter opera ejus Medica circumferri
 coepit; Tamen Medicis, dignius illud
 subjectum corpus humadum, in primis
 considerandum venit, sequestrando
 curam animalium brutorum, illisq; re-
 linquendo, qui sese horum ministerio
 manciparunt.

g. Brevius igitur Moderni Medici
 definite solent; *Medicina est Ars medendi.* Quæ qvum ab omni perplexitate
 immunis sit, tolerari potest. *Principia*
 cum reliquis Artibus communia, in
 Medicinâ qvum maximè inveniantur,
 palam est, Genus allatum, legitimum
 esse. *Finem Medicinæ* nempè Sanita-
 tem, si spectemus, duplicem esse de-
 prehendimus. *Internum;* ut, integri-
 tas partium. *Externum;* ut, integritas
 functionum.

Subjectum considerando inhaesoriis,
 A s*i* Me*s*

Medicus est. *Operationis autem, corpus humanum, affectum, cognoscendum.*

Media, quæ ad finem propositum perducunt, sunt omnes res in hoc mundo adspectabili obviæ, sive in alimen-
tum, sive medicamentum, vel adju-
mentum corporis aptatæ fuerint. Ipsa
deleteria & venenosa, suâ naturâ, cor-
pora, à quibus alioquin humana ratio
abhorret, secundum Artis normam sci-
entèr elaborata, congruentèr purifi-
cata, decentèr exaltata, salubritèr com-
mista, dextrè adhibita, tutissima, de-
ficientibus vel præsentibus cæteris, gra-
tissima & amicissima, fragilitati nostræ,
præter opinionem, præsidia conferunt
& subministrant. De reliquis quo-
dammodò sileamus Iubentes, Solis
nempè & exercitus cœlestis corporum
variorum in nostris infirmitatibus èv-
espiræ efficaci: illas, partim, suâ
a nobis déclinatione naturali, au-
gendo; partim suo propiore accessu
dispositiones præter naturam, in-
ten-

tendendo, exasperando, mitigando vel auferendo. Deinde affectiones adsunt artibus cæteris communes: Sanitas principium operis in mente operantis. Opus productum: Sanitas in subiecto. Res contingentes tractare: Secundum Aristot. lib. 1. Metaphys. c. 1. Actiones omnes & generationes circa singularia sunt. Certitudo absq; conjecturâ. Doctæ quæ in Arte reperiuntur conjecturæ, certis nituntur Medicinæ fundamentis, adeò ut plurimi Señatorum Artis Apollineæ, eò tandem judicia sua de venerando sene extulerunt, quod fallere aut falli nesciat. Adsunt prætereà ea, quæ circa modum agendi in speculatione, requiri solent; sc: quæ media, & quomodo ritè adhibentur, quo tempore, Ordine, Numero & mensurâ, singula usurpanda erunt. Executionem tandem Natura imitatione & perfectione supplet.

An sit talis Ars? operosis argumentis demonstrare, laborem supervacaneum esse judicamus, quod promiscuè, non tantum à virtutis doctis tractetur,

tur, sed ab operarijs & imâ plebe coli admittur. Adeat igitur Nosocomia & domum propriam, ut monet Laurembergius, qui Medicinam dari negat. Adeat etiam, nostro instinctu, Hippocrat. lib. de Arte & inveniet Præsidia, quæ pro ejus existentiâ militent,

CAP. IV.

DE PARTIBUS MEDICINÆ.

Considerationem Medicinæ in sensu unito, secundum Aristotel. ratione Methodi, excipit ejus divisio. Illorum ut omittamus opiniones, qui Medicinam dividi posse negant; sufficit nobis, ratione instituti præcipuas apud Autatores, ejusdem divisiones recensere.

i. *Hippocrates lib. i. Epidemiâ;* Ar- tem tribus constare ait: *Medico, Morbo & agroto.* Ex hoc loco, nonnulli plenariam Medicinæ in suas partes divisionem conantur adstruere, quos tamen existimamus vel Hippocraticæ intentio- nis dememinisse, vel propositum ejus igno-

ignorasse. Ubi exercitium seu operationem Medicam, in quibus versatur, Tyronibus præcipue proponit, nec unquam, loco citato, distributionem totius in partes, eum indigitare voluisse, constat.

2. *Avicennam initio operis plurimi seqvuti sunt Medici, dividentes Medicinam in Thoreticam & Practicam. Theoreticam in merâ contemplatione consistere; Practicam autem in medicatione occupari, unanimi ore profitentur.* Hi termini, qui, Medicinam in *Διχοτομίας* redigere conantur, ipsimet ab arte non tantum alieni, sed & peregrini sunt. Quia Universa Medica Ars efficitiva est, & in operatione consistit, adeoq; Medicus Cathedralis vix nomen Medicci meretur, extra negotium curationis ægrorum constitutus. Idem de Artificibus ignobilioribus judicium & quidem adeò adcuratum formari amant hæ Artes quod fabros vel Pelliones extra officinam ægrè agnoscant. Fundamentum hujus rei peti potest ab A. rist.

rist. lib. 2. cap. 1. *Metaphys.* Qvum intellectus noster versetur circa res quæ in nuda contemplatione sitæ sunt, dicitur θεωρητικὸς. Circa res non tantum scientificas, ut dicitur, sed quæ simul in ἀρχέσι detinentur; virtutem nempe & vitium, est ἀρχικὸς. Circa res non soli destinatas contemplationi, multò minus ἀρχέσι, sed ποιήσει, operis productioni addictas, quod à nobis effici potest; hisce intentus noster intellectus dicitur ποιητικὸς, i. e. *Factivus*. Inter varias igitur Artium differentias, apud Medicos quatuor saltim enumerantur, Θεωρητικὴ, ἀρχικὴ ποιητικὴ καὶ κτητικὴ. In hoc ferè conveniunt omnes, cum Galeno lib. d. constitut. *Artis Medicæ*, quod sit ποιητικὴ, quam duplicem facit; unam quæ componit opus novū; ut Textoria, coriaria &c. Alteram quæ corrigit op̄ col. lapsum ut ædium exstructarum instauratio &c. Ad hanc classem, Medicinam refert, quæ opus novum non molitur, sed sanitatem nutantem erigere conatur.

Hoc Averrhoës collectan, suor. cap. 1. l. 6.
eti-

etiam afferit Medicinam ex his Artibus esse, quæ factivæ vocitantur. Quod autem quidam Medici, *Prætici* Titulum addere gestiant, sciendum est hoc more loquendi vulgari, non secundum aneßear Philosophicam fieri.

3. Neotericorum quosdam audi-
vimus, partibus *Physiologiâ* & *Thera-
peuticâ*, Artem existimantes commo-
dissimè absolvî posse. Fundamento ex
Aristotel. petito, qui rectum afferit nor-
mam sui & obliqui esse. Ex Physio-
logia igitur, partium omnium consti-
tutionem sanam, & per certas classes
distributionem recensente, cuius ob-
vium esse censem, statum earum præ-
ternaturalem eruere & dignoscere: cu-
jus curam Therapeutica tradet. Nos
autem, salvo eorum iudicio, secun-
dum rectæ rationis dictamen, experi-
mūr, quod admodum facilis ea metho-
dus sit in Arte anteà exercitatis; Ty-
ronibus autem, qui subordinationem
partium nondum noverunt, dispendio
haud destitutum esse compendium, ju-
dicar-

dicamus. Ad minimum enim morbo-
rum nomina indigitanda; nec hoc suf-
ficit, sed & certa signa affectus dilcer-
vendi, praeter alia requisita, quæ nos
in cognitionem perfectam omnium de-
ducunt, exactè adponenda essent. E. g.
quis quæso, Medicinæ orgiis recens
initiatus, ex parvo illo, nobilissimo ta-
men corporis nostri Organo visorio,
oculo ejusq; structura, sub primâ par-
tium ejus demonstratione, morbos vi-
ginti quatuor, quibus infestari observa-
runt Authores, eorumq; nomina, con-
festim animadvertiset, noscet ac dijudi-
cabit? Simile de alijs æq; abstrusis
estò judicium. Ad Artis præscriptum,
methodicè dissentibus proponenda, dis-
stincta omnino præcepta requirunt.

4. In quinque partes Medicinam Au-
tor *Introductorij* dividit, nimirum, Φυ-
σιολογικὴν, παθολογικὴν, σεμαιοληκὴν, ὑγ-
ειανὴν & θεραπευτικὴν: hanc omnes ferè
Medici, tam superioris quam præsen-
tis seculi, ut potè Sennertus, Franci-
eus Joël, Heurnius & innumeri alii se-
q; vnu-

qvuntur. Sub qualibet parte plurimas alias comprehendunt, quæ ad unam vel alteram prædictarum redigi tamen possent, e. g. dum ponunt, partes: ἐνεκπίκην, quæ exquisitissimam conservat sanitatem. Αὐαλγεπτικὴν, quæ sanitatem putantem suffulcit. Αὐαλεπτικὴν, quæ reficit vires ex morbo langventes. Προφυλακτικὴν, quæ vegetam naturam ab irruptione morborum munit. Γεροῦοκουκὴν, quæ senum incommoda mitigat. Ἐπανορθωτικὴν, quæ devia corrigit, &c.

Enumeratas partes quilibet discernat ab iunctu non differre. Subordinatio autem partium necessariarū qvum incipientibus hanc statim obvia sit, aliorum placita adferre supersedemus, sequenti perspicuâ delineatione contenti, quæ usitatas suo ordine exponet.

S. PARTES ESSENTIALES Medicinæ sunt, quæ constituuntur, vel:

I. A subiecto & dicitur Σωματολογία, continens in se PHYSIOLOGIAM quæ de corpore sano agit, naturam & constitutio-
nem hominis inquirendo, & de na-

turalibus rebus, ex quibus corpus humanum constat, differendo. Ad Physiologiam pertinet ANATOMIA, quæ dextrè & artificiose corporis humani dissectionem instituendam docet. Interim tamen brutorum animalium *anatomia* non excludit, tam in vivis quam demortuis subjectis administrandam. Grande namq; nefas foret, vivum hominem solius cognitionis gratiâ extenderare, quod tamen Herophilum, Erasistratum, Medicos Romanos, & alios fecisse, refert Cornel. Celsus. Animalia autem bruta hoc supplere possunt, quod tanta humani subjecti non suppetat copia. Anatomia igitur in superficiariâ cognitione, more lanionū haud acquiescit, sed membra, partes, & minutissimas, in quantum fieri possunt, particulas detegit. Ad Physiologiam præterea refertur BOTANOGRIA, quæ circa Plantarum cognitionem versatur; Arborum, fruticum, suffruticum & herbarum non tantum nomenclaturas & species (quod Physici est) in-

da.

dagans; Sed etiam intimorem partium nexum, succorum in morbis depellendis efficaciam, futuro Naturæ Ministero cognitu necessariam, explorans. Huic nonnulli MINERALOGIAM adjungunt, alij verò Pharmaceuticæ relinquent, quatenus vulcani adjumento, noxias mineralium qualitates sejungit.

Altera Σωματολογία pars, PATHOLOGIA est, quæ corporis statum præternaturalem i.e. morbosum explicat, dicitur alias Νοσολογία circa Nomina & classes morborum occupata. Αἰτιολογία, dum ad causas & differentias morborum ac Symptomatum descendit.

Tertia Σωματολογία pars dicitur SEMIOTICA, quæ sani & morbidi corporis constitutionem ex certis signis, doctâ quadam conjecturâ, adeoq; præteritas, præsentes & futuras ejus conditiones cognoscere & prædicere potest.

2. A Medüs, quæ fini obtinendo prospiciunt, petita divisio, constituit

Οργανολογίαν, quæ dispescitur in DIÄTICAM, doctrinam viëtuum præscribentem. Versatur hæc pars circa Res non Naturales Medicè dictas, mediæ quasi naturæ, inter res secundum & præter naturam. Unde conservatrices vel immutatrices dicuntur. Physis cè consideratæ, nihil prohibet, quin res naturales sint. Heic cibi & potus salubritatem solitariè non spectamus, vulgi judicio, sed sub viëtus ratione comprehenduntur, Aër, cibus, potus, Somnus, vigilia, motus, quies, excreta, retenta, & animi pathemata. Communitè sex numerantur conjunctim nos autem seorsim quamlibet speciem percurrentes, decem ponimus. Uſus enim semper involvit respectum ad suum objectum. Objecta ratione circumstanciarum, sc: constitutionis, ætatis, Sexus, virium, consuetudinis, habitus &c. variant. Hinc patet, præcepta diætética uni soli præcisè non posse præscribi, multò minus heic, nec in alijs plerisq; sedem invenit commune illud persuasiōnis

onis ponderosum momentum: *Probatum* est. Sub propriæ namq; non alienæ heic velificari licet experientiæ clypeo.

Οργανολογίας altera pars est PHARMACEUTICA, quæ Medicamentorum tempestivam collectionem, collectorum decentem reservationem, reservatorum congruentem præparationem, præparatorum adcuratam compositionem, compositorum justam dispensationem edocet & promit.

Huc spectat CHYMIA, quæ Ignis ope medicamenta, tuta, grata, salubria & efficacia præparat, ubi manus propriæ admovendæ erunt, ut svadet & adhortatur Severinus in *Id. Medic: Philosophic.* cap. 17. Inquiens: Ite filij, vendite agros, ædes, vestes, annulos, comburite libros, emite calceos, montes accedite, valles, solitudines, littora maris, terræ profundos sinus inquirite, animallium discrimina, Plantarum differentias, Mineralium ordines, omnium proprietates, nascendi modos notate; ru-

sticorum Astronomiam & terrestrem
Philosophiam diligentè ediscite, nec
vos pudeat: tandem carbones emite,
fornaces construite, vigilate & coquite
sine tædio. Ita enim pervenietis ad cor-
porum proprietatumq; cognitionem,
alias non. Hæc mandata gravia essent,
nisi laborum beata præmia pollicerent-
tur. Hæc ille. Temerariam tamen
Alchymistarum quorundam vanitatem,
nullâ reali per ignem, ut dicitur, fun-
datam experientiâ, caveamus; non
tantum de marsupio, sed & corio no-
stro ludont hujusmodi ficti χρυσποιχ-
τες. Nec statim sub Alchymistæ nos-
mine hominem nobis imaginabimur,
qui nihil aliud intendit quam Metallo-
rum transmutationes inquirere, & tan-
dem mirabilia lapidis Philosophici my-
steria suis laboribus eruere; Sed talem,
qui ex animalibus, vegetabilibus & Mi-
neralibus arcana in naturæ profundis
delitescentia, in apricum deducere no-
vit, & ad varios usus humanamq; salu-
tem detendendam, transferi, pura ab
im.

impuris separando, alienas qualitates alterando vel tollendo, fixa volatilia & vice versa reddendo, quæ sine periculo corpus nostrum permutare possunt.

Ultima Ὀργανολογία pars est CHIRURGIA, manuum ministerio, Sanitatis incommoda removens, operationes quæ casus corporis exteriores concernunt, solummodo tradens.

3. A fine deniq; qui sanitatem respicit ῥχειολογία resultat, continens in se *Hygieinen* quæ de sanitate conservandâ agit. Quam necessaria sit hæc pars, præter ea, quæ cap. 3. adduximus, rationem etiam hanc addimus; Quod in optimè constitutis Rebpubl. operariorum neminem unquam audivimus Medicorum operam in statu sano sollicitasse: Nec certè habeat, quod sciam, in suis præceptis Medicus, quale ad illius desiderium *Recipe concinnaret*, nisi illud cap. cit. pag. 6. superiùs monstratum.

Optandum potius esset, dum primos morborum graviores insultus præ-

cordia molestare perciperent, sanitatis præsidia, ad ultimum vitæ balitum usq; procrastinando haud aspernarentur; Unde multoties evenit, ut tandem ab Arte sperent, quod in ejus potestate, ob faciem morbi Polydædalam, non est situm. In latitudine autem Sanitatis Oρθοσείδιος recensentur i.e. sub languore, erectâ cervice incedentes, satius curâ in Therapeuticis tradendâ, quam conservatione hos indigere præsumimus. Præeuntibus verò Authorum plerisq;, sufficit hâc vice, hujus inter cæteras partes locum indigitâſſe.

Τγειολογίας media pars METHODICA est, quæ sanitatis restituendæ præcepta in genere proponit, & cognitionem affectuum, remediorum, subsidiorum, materiarum, horumq; omnium administrationes; materiam proindè Medicam plenariè tradit.

Huc respicit ultima *Τγειολογίας* pars THERAPEUTICA seu Methodus medendi Specialis, quæ ad singulos corporis affectus sese extendit.

PARTES deinde EXTRA ESSENTIALES hic loci non erunt prætereundæ, quamvis aperè sciæ illas apud Institutionistas, ut vocant, partim omissas, quod illas sub anteà expositis partibus contineri & includi posse existimârunt; partim leviter indicârunt, quod & nos facturi erimus, ne illas partes omnino intactas relinquere videamur. Quædam igitur earum considerantur;

1. *Ante Praxin*, quarum cognitio futuro Medico proficua est, ut potè sunt: ISAGOGICA, quæ de Naturâ & constitutione Medicinæ in genere agit, dicitur alias introductio in Medicinam. THEMATICA, quæ methodum propositos casus ingeniosè dijudicandi & dextrè explicandi monstrat. EROTHERMATICA versatur circa quæstiones necessarias apud ægrotos sub ipsa visitatione examinandas, Methodus ingressus ad ægros alias nuncupatur.

2. *Post Praxin*, est BULEUTICA, cuius manuductione, consilia, Epistolæ & observationes Medicæ, de rarioribus cir-

ca curationes casibus, nos admonent & informant.

Sic apparatus partium heīc satis copiosum quidēm vidimus. Scendum tamen est, nullam planè otiosam in medium esse prolatam, nec ullam necessariam avidis sciendi ingenijs, silentij velarijs involutam esse. Qui forte prolixa displicet partium enumeratio, tribus principalioribus illis divisionibus acquiescere poterit.

C A P. V.

DE HÆRESI SEU SECTIS MEDICORUM.

Constitutionem Medicinæ quoad Definitionem & Divisionem ex præcedentibus vidimus; Restat jam quemad modum Ars Medica comparari poterit, inquisitio. Dissensus Authorum super hac re, in varias hæreses seu sectas abiit.

Ex significationis Naturâ, nimirum ~~aspeūas~~, quod est, eligo, hæresis indifferens, nec illis suspectæ doctrinæ esse vide

videtur, dum quilibet congruam præ aliis methodum, cui maximoperè favet, eligit. Hoc modo nulla studiorum genera suis destituta hæreticis unquam reperies. Sicut apud Philosophos, juris consultos, Theologos, prolixa satis eorum extat caterva, ita etiam Medicina omnibus retrò seculis, etiamnùm suis innovatoribus subjecta est. Hucusq; Sectæ Medicorum celebriores quatvor viguerunt: EMPIRICA, DOGMATICA, METHODICA ET SPAGTRICA.

I. EMPIRICA suum natale solum Ägypto debet: Argumento, quod præcipui canones Medici illic enati sunt, quos mutuatus est maximam partem Hippocrates, nempè Aph. 22. I. Πέπτωνα Φαρμακεύειν καὶ κινέειν, μὴ ἀμά, μηδὲ ἐν αἰρεχῆσιν, ἵν μὴ ὁργαῖς &c. ait, concocta medicamento purgante educenda & movenda, non cruda, neq; per initia nisi turgeant &c. Cautè namq; Medicinam purgantem sibi propidari paſſi,

passi sunt Ægyptij, teste Herodoto, Hippocratis coætaneo; summo tamen, necessitatis urgente telo, per triduum Φάρμακον mensibus sumpserunt singulis, hoc ipso, seminaria morborum in membris, ex cibis collecta, qui omnium calamitatum, eorum judicio, scaturigines erant, extirpari posse crediderunt. Hinc est, quod pars Medicinae Diætetica omnium vetustissima, quæ Ægyptiorum invenit experientia, quæ partim inediâ, partim cibis euchymis, positis cæteris, morbos averruncari posse, docuit. Aëris atq; cœli constitutio præterea inquinamentis nullis obnoxia, eodem afferente, neq; gens non opinæ mutationum tempestatis timida. Accedit & hoc, quod Ægyptij singulis morbis singulos præfecere Medicos, undè minus mirandum erit, si apud eos creverit Experientia, quæ initium Arti dedit, experientiæ porrò occasionem præbuit necessitas, dum suos ægrotos in compita detulerunt, qui à prætereuntibus remedia sci-

sciscitarentur. Qui tandem invaluit mos, ut in omnibus civitatibus, plures Medici quam operarij invenirentur, quod ludicro exemplo, in dentium simulato dolore, vadimonio facto, quondam comprobatum est. *Inventores Empiricæ lectæ τηρητικοὶ i. e. observatores, vel μνημονευτικοὶ dicti sunt, quod anteactorum observatio & memoria, adnotata remedia suppeditabant.* Galenus passim lib. d. Sectis, Antesignatum Theutam ponit. Quidam Philinnum Coum, qui primus à suo Præceptore Herophilo edoctus, jure antiquitatis hanc sectam Dogmaticæ præponere conatus est, Authorem celebrant. Plinius autem lib. 29. cap. 1. Diogenes Laërt. & Plutarchus de *Iside & Osride*. Acronem vel Creontem Agrigenitum, qui ante Hippocratem vixit, conditorem statuerunt. Alij alios enumerant, qui potius priorum asseclæ fuerunt, utpote: Serapion Alexandræus, Apollonij duo, Pater & filius Antiocheni, Philistion, Crito, Glaucius,

Me-

Menodotus, Sextus, Heraclides Tarentinus &c. Tota Empiricorum tunc temporis medela circa herbarum cognitionem occupata erat, undè tot nomina Inventorum in Botanicen introducta sunt.

Horum placita in *ἀνθεψίᾳ*, *Historia*, & *transitu ad similia* consistebant, indicationes ac morborum causas vilipendentia. *Ἄνθεψίᾳ* enim facienda vel omitienda notabat, variorum *Recipe* farragini, quorum observantissima erat, confidens.

Historia, eventus diligentissimè scriptis mandabat. Frequentiâ enim morborum, ad quos nullum auxilium anteā observârunt, ne planè omni destituerentur remedio, neq; finem spectarent fortuitum, aliorum relationibus plurima tribuerunt.

Transitus ad similia, morbis incognitis, ex simili tamen cum alijs facie, cognita remedia adhibuit, hoc est, idem auxilium à malo ad simile malum transmulerunt Empirici; ut si ab Erysipelate

ad

ad herpetem remedia promoverentur; à loco ad locum, ut si à brachio ad femur, idem medicamentum subordinaretur; quia immò à cruris inflammatione, unguentis & oleis delibuti, ad oculi tunicarum inflammations similitèr properârunt: qvum tamen infallibilis isthæc dudum comprobaverit experientia, nihil æq; tunicis oculorum, ipsis etiam aurium cavitatibus, respectu membranarum tenuiorum, inimicum, hostile & deleterium, ac ipsa pingvia & oleosa esse. A remedio deinceps ad remedium, e. g. in diarrhœa à cotoneo malo ad metpilorum usum festinârunt. In universum tantò quisq; in Arte eminentior, quantò in usu & speculatione Quid pro Quo excellentior. Hujus farinæ etiamnum circumforanei & Agyrtae existunt, qui nocivam & sordidam suam Medicinam, ex purissimo tamen auro elaboratam crepitantes, cuilibet indiscriminatim, si non propinare, saltim ostentare haud verentur, ut rudi non tantum plebeculae, sed & majoris
æst.

æstimij viris imponant. Eorum bonitas & fides, (dictu nefandum) quam plurimos in vitæ pernitiosissimum adegerunt discrimin? Quippè qui nec artis fundamenta nec Physicas rationes suæ $\epsilon\gamma\chi\epsilon\rho\sigma\epsilon\omega\varsigma$ reddere noverunt, præposterioris contenti experimentis.

2. Fallaces experimentorum effectus tantum effecerunt, quod homines causis sua judicia firmare optarent, undè pedetentim DOGMATICA, secta adolere cœpit, quæ neq; experientiam nec rationem seorsim sed conjunctim sumptas, Medicinæ principia posuit. Symptomatum enim accidentium, causarum, morborum & locorum varietates, experientia sola non perscrutatur, neq; verò potest, sed illas examinet & dijudicet ratio necesse est. Vice versa, ratio sola, specifica, purgantia, venena, quorum in Arte medicâ notitia omnino præpollet, indagare, nisi præcedat experientia, nequit.

In Scholis, Cnidiâ, Rhodiâ atq;
Coa

Coā, Dogmaticam seu Rationalem Medicinam, Hippocrates Cōus, hujus Inventor & Auctor, Medicorum omnium citra controversiam Princeps, Primus si Annalibus fides sit, profiteri cœpit. Natus est in Coo Ægæj maris insula circa annum mundi conditi ter millesimum, quingentesimum, & ante incarnationem Messiae quadringentesimum quinquagesimum. Vigesimus ex arbore genealogica ab Hercule numeratur, à quo & Alexander Magnus & omnes Macedonum Reges paternam originem ducebant; Ab Æsculapio, ut supputat Eusebius, Undevigesimus fuit. Juxta aliorum verò calculum nonus fuit à Chrysamide Rege; ab Æsculapio decimus octavus; à Jove, vigesimus. Doctrinæ successu felicissimo avitæ cognitione imò absolutissima emicuit arte & facundia clarus, ut Celsus ait; Cujus benignitas tanta erat, nihil ut sciverit, quod nos nescire voluerit, solertia verò & sapientia tanta, ut quod ipse ignoraverit, post ipsum sciverit nul-

Ius. Objectiones quorundam consuli-
tò prætervehimur, quæ Chymicarum
operationum Hippocratem ignarum
clamitant, quas tamen Raymundus
Lullius Chymicorum facile coryphæus
diluit. Cui verò adhuc serupulus hujus
rei remanserit, consulat quæso Otto-
nem Tachenium, in libello, hoc Titu-
lo, *Hippocrates Chymicus*, & mollem per
universam ejus Medicinam admirabi-
tur ignem. Inclaruit hic noster ma-
xime temporibus belli Peloponnesia-
ci, regnante apud Persas Dario Longi-
mano, Hesteris haud dubiè filio, quæ
nupserat Ahasvero, quem Græci Xer-
xem, Chaldæi Artaxerxem appellant.
Extra dubitationis aleam erit, si utrius-
que Epistolam in gratiam historiæ Me-
dicæ studiosorum adjunixerimus.

*Rex Regum Magnus Artaxerxes Hy-
stani Helleßonti Præfecto.*

*Hippocratis Medici Coj ab Æsculapio origi-
nem ducentis, gloria artis etiam ad me perve-
nit. Date igitur ipsi auri quantum voluerit,
& reliqua abundè, quibus opus habet & ipsum
ad*

ad nos mittito. Nam Optimatibus Persarum
æqualis erit. Et si quis alias bonus vir est, in
Europâ, eum domus regia amicum facito, ni-
bil divitiis parcens. Viros enim invenire, qui
consilio præstent, non est facile. Vale.

Summo Monarchæ Hippocrates
qvum dicto minùs audiens erat, Regis
intelligens minas tales dedit:

*Hippocrates Medicus Hyrcani Hellepon-
ti Praefecto, s.*

Ad Epistolam quam misisti, à Rege veni-
se adserens, remitte Regi que dico, quâm eos
lerrimè scribens: Quod è victu è vestitu, è
domo, è omni ad vitam sufficienti opulentia
fruimur. Persarum autem divitiis uti, fas mihi
non est, neq; barbaros homines à morbis libe-
rare, qui hostes sunt Gracorum. Vale. Mox
subjungit: *Hippocrates Demetrio S. Persa-
rum Rex nos accersivit, ignarus quod apud me
major est sapientiae ratio quam auri. Vale.*

Nec mora, quin fastigii mundani va-
næq; gloriæ contemptor, suorum amor
civium ac opam caducarum æquus æsti-
mator, suos patronos, suos fautores in-
venit præstantissimos fulgentissimum
Medicinæ lumen Hippocrates, nempè:

Polybum, Dioclem Carysti Regis Antigoni medicum, qui primus ex professio Anatomica docuit & scripsit. Praxagoram Coum Nicearchi filium, Philotimum, Dexippum, Cratevam apud suos, Botanicum optimū, Ctesiam Cnidium Artaxerxis medicum & historicum, Chrysippum, Herophilum chalcedonicum, Erasistratum Chium Aristoteles nepotem, Mnesitheum Athenaeum, Asclepiadēm Bithynum, Philistionem Locrensem, Cienum, qui Prusias dictus est, Apollodorum Lemnium Ptolomaei Regis medicum, Pausaniam Heraclidem Plinij memoria celebrem, Aristogenem Cnidium medicum, Niciam Pyrrhi Regis Archiatrum &c. Quibus nonnulli Hippocratis libri tanquam Authoribus tribuuntur. Circa tempora Pompeii cœpit languescere hæc secta, donec ipsi sub Antoninis Majestatem afflavit Galenus in Asia opido clarissimo Pergamo natus anno Christi centesimo tricesimo sexto. Ab illo tempore in omnibus ferè universitatibus

tatibus floruit Dogmatica, quæq; hos
diè cum fructu excolitur.

3. METHODICA secta priscis tem-
poribus omnium postrema enata est,
teste Plinio lib. 7. c. 37. & lib. 26. c. 3. sic
dicta, quod Medicinam in breve quod-
dam compendium redigere conata sit.
E Medicinâ Physiologiam cum Anato-
me, Pathologiam & Res non Naturales,
circumstantias varias, externarum cau-
sarum doctrinam, Methodici ejece-
runt, Tria generaliora præcepta sup-
ponentes, quas Communitates vocâ-
runt, strictum, laxum, mixtum, quemvis
ad has classes morbum referentes: stri-
ctum sc. esse laxandum, laxum adstrin-
gendum, mixtum urgentiori sympto-
nati admovendum docuerunt. Quam
mutila & insufficiens hæc fuerat doctri-
na, ipsa dictitat ratio. Evacuationes Cri-
ticas vel Symptomaticas, naturæ con-
gruenter, quis adstringente Medicinâ
unquam intercipere ausus sit? Quis Me-
lancholiam, Hysteropnigen, febres o-
mnes ad has communitates retulerit?

Brevitèr, Aëris mutationes, Regionum situm, Climatum indolem, in morbis extirpandis plurimum facere quis ignoraverit? v. g. Lues venerea apud populos Magellanicos ex adsiduo carnis humanæ in alimentis usu, contracta primùs est, facili tamen negotio eam amoliuntur; apud Gallos & Germanos, regionum haud dubiè ratione, iisdem medicamentis non item cedit. Necessariam præterea causarum procatharticarum doctrinam contra Methodicos *Galen.lib.d.Sect* ubertim monstrat exemplo tali:

Homines duo ex rabidi canis morsu, graviora passi sunt symptomata, prioris vulnus, more vulgato apud Methodicos, statim ad cicatricem felicitèr pervenit, infelici licet successu, quòd veneni naturâ præcordia pulsante, nec exitum inveniente, ægrotus inter vivos esse desiit. Alterius verò laceratam cutim pluriū intervallū dierum à consolidatione prohibuit, suspectam curam diutius specificis Alexipharmacis trahens,

trahens, pristinæ sanitati restituit.
 Hujus sectæ origo ex Democriti & Asclepiadiis de Atomis doctrina, est, cuius discipulus Themison Laodicæus Syrus, tandem Apostata, hanc sectam introduxit, undè Galenus illum communitatum repertorem nominat. Asseclæ hujus Medicinæ fuerunt Thesalus Trallianus, Mnaseas, Dionysius, Proclus, Antipater &c. Ab horum placitis non-nihil discesserunt Soranus Ephesius, Olympiacus Milesius, & Menemachus Aphrodiseus.

4. SPAGYRICA tandem accessit Medicina, Hermetica dicta, ab inventore Hermete Trismegisto, quem Patriarcham Abramum fuisse, ex calculo Chymicorum colligere est. Spagyricæ terminum, quum Aureolus Theophrastus Paracelsus primus invexit, Spagyrici vel Paracelsistæ ejus sectatores vocari amant. Vulcani ope, hoc est, chymicâ arte, omnia sua medicamenta purificata & elaborata, nominibus insignita variis, affectibus satis deploratis auspiciatò genuini ejus cultores adhibent. Ad Hermetis præceptum, Macrocosmi cum microcosmo harmoniam & similitudinem explorant, rationi & experientiæ unicè dediti. Ab impuritate, balsamo vitæ adhærente, omnia morbo-

rum genera derivant, quæ purissimâ Medicinâ ablatum eunt. Hanc sectam, abusus cavyendo, cum Dogmatica qui conjunxerit, quantum in hac mortalitate sperandum erit, ope divinâ, perficiet.

Ex Paracelsi scriptis Medicina quintuplex eruitur: *Naturalis*, Galenica est, cuius sequaces, Humoristas appellant. *Specifica*, occultâ seu magneticâ vi agit. *Characteralis*, annulis, periaptis, verbis & figuris incommoda ab olere credita est. *Spirituialis*, Adsistentium spirituum ope, morbos depellit. *Fidelis*, Monachorum precibus ægritudinem arcet.

Coronidis loco secta ultima adiici potest, *Mathematica* dicta, quæ Authorem *Crinam Massiliensem* agnoscit, hic, præeuntibus certis quibusdam constellationibus, nutrices & barbitonfores in tantum absterret, ut de tempore ablactandi fœtus, eibandi, de horâ ungues secandi, capillos tondendi, de die scarificandi, purgandi, venam tundendi &c. in trivio haud satis extricabili se positos esse censeant. Post obitum quadringenta florentium millia mœniis patriæ reliquisse fertur. In hoc libro Proœmiali, methodus qua tradidetur Medicina adponenda quidem esset, nisi qui Medicinam Artem esse didicerit, rationem quoq; methodi facilius noverit.

Τὸν Φιλόπονον πεπαιδευμένον, σπαχδαῖν
έλευθερον,

Κ. ΙΩΑΝΝΗΝ ΑΣΧΛΙΝΟΝ

Σύμμαχον πεφυλαγμένον:

Kῶος ἀνὴρ μοῖρας Φόβος ὁν μέλανος θανάτος
Δεῖξ' εἴργειν νόσους, ἔλκεα καὶ χρυερὰ. (10
Ἄσκησίς τε ποιεῖ τοῦ ΑΣΧΛΙΝΕ Φίλταθ' ἐπεῖ-
Παντοδαπὴ σπαχδὴ καὶ πόνος εἰπιμελῆς. (ρε,
Παιδόθεν ὄρθοποδεῖς, χαλεπῆς μελετῶν δι-
δαχῆς τε

Σώματος ὡς νοσερῷ, ἀθλα φέρων δόκιμα.

Ταῦλης συγγρήσεως αὐτούτης

ΗΛΙΑΣ Σιλ-Λανδζί
Ιατροπέχυης.

*Juveni doctrinā & moribus perehīmio,
DN. JOHANNI H. ASCHLINO
O-Gotho, Academiæ Vice-Bibliotheca
rio, Populari & Amico per dilecto:*

Pœonias artes multum coluisse Machaon
Ferunt; Apollineis nomen Apollo dedit.
Phæbæos fecit Phœbus Thymbræus jatros;
Nomina cultorum tot Medicina tulit.
Scinditur incerto sed postquam dogmate, Cot
Præ reliquis prostant Scripta verenda Senis.
Ante hūc Dogmaticos Empiricos auxit honore
Nemo; nec clarā Chymicus arte cluit.

Ma.

Matte, Aschline; p̄is studiis superaddito sani
Corporis & curam, fonte Machaonio!

De Arte Medicâ doctè dif-
ferenti scripsit.

L. Mg₃

PETRUS LAURBECCHIUS
Poës. Prof. Publ.

Non male dispensabimus tempus, quod nobis na-
tura consumendum dedit, Sobrie & præclare satis mos
est gentilium Photphorus Seneca: cum tam velociter
tam rapidè dati nobis temporis spacia decurrant. Viz
delieet agilis est humanus animus agendiq; cupidus;
qui parietes & solitudinem non fert, quiq; invitus aspi-
cit, se sibi relictum. Hunc verò incultu & socordiā qui
torpescere sinunt, nimis sapiunt humiliter, ast in ope-
re esse longè est pulcherrimum. Enim verò dolendum,
plerosq; tantā caligare cœcitate, ut uno & æquali vi-
ta tenore procedere, nec velint, nec possint; quin potius
vitam suam propositis prorsus diversissimis scindant, pe-
tita relinquant, relicta repetant. In diligendo certo quo-
dam vitæ genere, maxima & frequens suorum decreto-
rum litura deprehenditur. In Te ecce, amice sincerè
dilecta, me nunc reflecto, Teq; suspicio quem nec exu-
berantium affectuum impetus quo alias præceps juven-
tus agitur, nec ulla malignitas fortunæ, pios non rarò
Conatus frustantis, à Divino Tuo proposito avellere un-
quam potuit. Sed pede, quo cœpisti inexpugnabili ani-
mi industria, perrexisti. Hinc te talem futurum, qualem
omnes cognitum judicarunt, docent vel magna illa
specimina quæ non sine bonorum applausu ex hoc lo-
co edidisti. Tantum autem volo; immerge nunc Te
studijs altius! nunc illa Tibi munimenta animi circum-
da, nec ex ulla tui parte inveniat introitum pœnitentia
aut dolor!

Ita pereximio Dn. Resp. gratu-
lari volui.

PETRUS Zahn. Wex. Smol.